



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Toletano Archiepiscopo.

**urn:nbn:de:hbz:466:1-20020**

dem suum impendat Domino famulatum.  
Datum Laterani VIII. Kal. Junij, pontificatus nostri anno quartodecimo.

ABBATI ET CONVENTVI  
Reomensi.

Epiſt. 54.  
Adversus exactions Epil-  
coporum.  
Vide infra epif. 56.

**C**VM à nobis petitur quod justum est &c. Eapropter, dilecti in Domino filii, vestris iustis postulationibus grato concurrentes assensu, præsentium auctoritate districiū inhibemus ne venerabiles fratres nostri Lugdunensis Archiepiscopus & Episcopus Lingonensis vel aliquis vester Prælatus procurations aut exactions indebitas à vobis extorquere præsumat, sed his que juxta Lateranensis statuta Concilij debentur eisdem contenti existant, statuentes ne aliquis in vos vel villas vestras sine manifesta & rationabili causa excommunicationis, suspensionis, vel interdicti sententiam audeat promulgare. Decernimus ergo ut nulli omnino hominum &c. inhibitionis & constitutionis &c. usque incursum. Datum Laterani VIII. Kalen. Junij, anno quartodecimo.

ABBATI THEOLOGI,  
& Priori Cisterciensi.

Epiſt. 55.  
De refor-  
matione monaſte-  
rii Reomensis.  
Vide infra epif. 61.

**Q**VOTIENS per suggestionem falsitatis & veritatis suppressionem circumveniunt veniē nos aliqui fatigunt, circumveniunt potius femetipos: quia cognita veritate, quicquid taliter impetrant, nullius decernitur esse valoris, cùm mendax prelator carere debeat impetratis. Sanè cùm olim ad nostram audientiam pervenisset quod Reomense monasterium tam in spiritualibus quam in temporalibus non modicum foret collapsum venerabili fratri nostro Eduensi Episcopo & dilecto filio Abbatii de Buxeria deditus in mandatis ut ad idem monasterium accedentes, quæ ibidem corrigenda essent corrigenter tam in capite quam in membris. Ipsi verò, sicut ex literis eorum acceperimus, mandatum apostolicum exequentes, ad locum personaliter accesserunt, & inquisitione præhabita diligenti, præfatum monasterium tam in spiritualibus quam in temporalibus inventerunt multò melius se habere quam se longè retroactis temporibus habuisset. Quodam etiam de fratribus, qui cum dilecto filio ejusdem coenobij Abbatie discorderant, ad veram pacem & firmam concordiam revocarunt. Nuper autem nuntius venerabilis fratris nostri Episcopi Lingonensis ad præsentiam nostram accedens, à nobis inquisitionem contra dictum Abba-

tem ad vos, prædictorum mentione non habita, impetravit. Cùm igitur, sicut ex multorum religiosorum virorum testimonio necnon & Capituli Reomensis accepimus, idem Abbas monasterium ipsum, sicut vir providus & discretus, tam in spiritualibus quam in temporalibus per Dei gratiam non modicum augmentavit, discretioni vestrae per apostolica scripta præcipiendo mandamus quatinus supersedentes negotio memorato, in facienda inquisitione auctoritate litterarum nostrarum nullatenus procedatis, ne innocentia confundatur aut veritas conculcetur. Datum ut in alia per totum.

S A N C T Æ C O L V M B Æ  
Senonensis & sancti Germani Antifodorensis  
Abbatibus, & Decano Antifodorensi.

**C**VM dilectis filiis Abbatii & monachis Reomensibus duxerimus indulgendum ne venerabiles fratres nostri Lugdunensis Archiepiscopus & Episcopus Lingonensis vel aliquis eorum Prelatus procurations aut exactions indebitas ab ipsis extorquere præsumat, & districiū inhibuerimus auctoritate apostolica statuendo ne aliquis in eos vel villas ipsorum sine manifesta & rationabili causa excommunicationis, suspensionis, & interdicti sententiam audeat promulgare, discretioni vestra per apostolica scripta mandamus quatinus illos qui contra inhibitionem & constitutionem nostram duxerint temere veniendum, ut ab hujusmodi præsumptione desistant, censura canonica sublatu appellationis obstaculo compescatis. Quod si non omnes &c. duo vestrum ea &c. Datum Laterani XVI. Kal. Junij, anno XIV.

## TOLETANO ARCHIEPISCOPO.

**Q**UOD petitiones suas obtulisti nobis per M. Clericum tuum super negotio primatiae nondum admisisimus, non exduritia, sed ex providentia noveris processisse, cùm &c. in his & in aliis opportuno tempore te velimus, quantum cum Deo possumus, exaudire. Sed cùm ex Saracenorū incursu grave nunc timeatur Hispaniæ dispendium imminere, non oportet occasione hujusmodi primatiae aliud in Hispania modò scandalum suscitari; præfertim cùm tibi jus tuum minimè negligenti providentiam ipsam nolimus esse damnosam. Ejus igitur exemplo qui ait, Cùm accepero tempus, ego iustitiam judicabo; cùm opportunum tempus advenerit, tibi judicium & iustitiam faciemus. Datum La-

terani Kal. Iunij, pontificatus nostri anno  
quartodecimo.

*ILLVSTRI REGI  
Portugalie.*

**I**S qui tangit montes & fumigant cor  
tuum tetigisse videtur ad peccantiam  
salutarem, dum corporali ægritudine te  
affligens, ad sanandas spirituales ægritudi-  
nes te induxit; quatinus recognitog an-  
nos tuos, in amaritudine animæ tuæ pro ex-  
cessibus tuis, quibus cretorem tuum mul-  
tipliciter offendisti, offerres ei sacrificium  
vespertinum. Vnde licet infirmus corpore,  
animo tamen sanus, legitimum condidisti,  
sicut accepimus, testamentum; in quo,  
pro tuorum remedio peccatorum, piis lo-  
cis & viris religiosis necnon infirmis &  
indigentibus multa legasti; de filiis & filiabus,  
nepotibus & neptibus tuis, necnon & aliis  
quibusdam personis, ac etiam ipso regno  
provida deliberatione disponens. Quæ om-  
nia suppliciter postulasti per sedem aposto-  
licam confirmari, sicut in scriptis authen-  
ticis continentur expressa. Nos autem ipsius  
seriem testamenti coram nobis perlegi  
fecimus diligenter, & intelleximus omnia  
rite disposita; illis duntaxat exceptis qua  
de quibusdam monasteriis disponere præ-  
sumpsisti, nisi forsan de jure intellexeris  
patronatus, cum juxta canonicas sanctio-  
nes nulla sit laicus de rebus ecclesiasticis at-  
tributa facultas disponendi. Quare tuis sup-  
plicationibus inclinati, testamentum ipsum  
in ceteris omnibus approbantes, illud jux-  
ta finale tuae dispositionis arbitrium statui-  
mus & præcipimus inviolabiliter observan-  
dum. Nulli ergo &c. approbationis, con-  
stitutionis, & præceptionis &c. usque incur-  
surum. Datum Laterani v. Kalen. Iunij,  
anno quartodecimo.

*SANCIO ILLVSTRI REGI  
Portugalensis.*

**E**X tenore litterarum tuarum accepi-  
mus evidenter quod cum apostolica  
fides inclita recordationis Adelfonsum  
progenitorem tuum nomine regio ac rega-  
libus insigniis decorarit, & ipsum ac suc-  
cessores tuos adoptans in beati Petri filios  
speciales, eos & regnum Portugalense spe-  
cialibus privilegiis suaque protectione cu-  
raverit communire, tu in regno Domino  
disponente succedens eidem, ad clemen-  
tiā ejus recurris sub confidentia speciali,  
non hæsitans ullo modo te ab ipsa in justis  
petitionibus exaudiri. Inde est quod volens  
anime tuæ salutem & regni tibi commissi

Tom. II.

tranquillitati consulere, necnon in poste-  
rum tuo generi providere, ne intefatus  
decederes, de rebus tuis mobilibus & im-  
mobilibus testamentum, Episcoporum &  
Baronum terræ tuæ consilio, ac assen-  
tiam primogeniti filii tui, qui tibi debet in  
regno succedere, condidisti, postulans il-  
lud per sedem apostolicam confirmari, ne  
ipsum cuiusquam temeritas violare presu-  
mat. Et quoniam ex humana fragilitate  
pro violenta Clericorum & religiosorum  
virorum captione in canonem saepius inci-  
disti sententiae promulgatae, in gravi adeo  
ægritudine constitutus quod de proprij  
corporis salute desperas, à venerabili fra-  
tre nostro Bracarense electo absolutionem  
humiliter postulasti; qui tibi eandem im-  
pendit juxta formam Ecclesiae consuetam.  
Verum quia nullatenus dubitas quin quod  
in excessibus hujusmodi & aliis quamplu-  
ribus, quæ instigante humani generis inimi-  
co te commissæ vehementissimè doles, di-  
vinam gravissimè offenderis majestatem,  
nobis humiliter supplicasti ut peccantiam  
tibi à prefato electo injunctam & absolu-  
tionem impenitam dignaremur ha-  
bere, teque absolvere à debito quo teneris  
pro excessibus memoratis apostoliceam se-  
dem adire. Nos igitur existimantes præfa-  
tum electum, utpote virum providum &  
honestum, circa te in prædictis providè  
processisse ac maturitatem debitam obser-  
vassæ, processum ejus ratum habentes, fe-  
renitati tua duximus injungendum ut in-  
junctam tibi ab eo peccantiam salutarem  
humiliter exequaris. Et quoniam saluti tuæ  
credimus expedire ut ea quæ pro tuorum  
peccatorum remedio in testamento legasti,  
te vivente facias erogari, excellentiæ tuæ  
consulimus bona fide ut id adimpleri fa-  
cias cum præsens vita vegetat tuos artus,  
non expectans ut post mortem tuam ea alij  
exequantur quæ potes facere per te ipsum.  
Datum Laterani vii. Kalen. Iunij, anno  
quartodecimo.

*COMPOSTELLANO ARCHIEPISCOPO,  
& Bracarense electo, & Zamorense  
Episcopo.*

**I**S qui tangit montes & fumigant cor  
carissimi in Christo filij nostri illustris  
Regis Portugaliae tetigisse videtur ad pœ-  
nitentiam salutarem; dum ipsum affligens gis.  
Ægritudine corporali, eundem ad sanandas  
ægritudines spirituales induxit; quatinus  
&c. in eundem ferè modum ut in prima usque  
illis duntaxat exceptis qua de quibuldam \*Suprà ep. 5.  
monasteriis ordinare præsumpsit, nisi for-

Xxx ij